



Mas cu 80 mil florin na premio Aruba Caiso & Soca Monarch dedica na Young Quicksilver

Cuminsando diamars dia 15 di Januari 2013 den Joe Laveist Sport Park lo tuma lug a Aruba & Caiso Soca Monarch. Aki mas cu 80 composicion lo competi pa e titulo di e Soca Monarch y e Caiso Monarch. E anochi nan di pre final lo ta dia 15, 15 y 17 pa asina e final tuma lug a diasabra dia 19 di Januari 2013. E aña aki e festival ta wordo dedica na Dave Hodge miho conoci como Young Quicksilver of Quickie. Quicksilver ta un baluarte pa loka ta e multiple titulon di Calypso cu e la yega di gana den pasado. Por corde cu exitonan manera “Fireworks Jam Sessions” miho conoci como “Village Burning Down”.

Tambe “Born in Aruba” tabata hopi popular. Quicksilver sigur a dedica hopi di su tempo na engrandece e Calypso y Roadmarch Contest cu awendia ta hiba e number di Aruba Caiso & Soca Monarch. Otro aspecto di e festival ta locual lo bay wordo reparti entre e ganadonan di e festival. Por a haya confirmacion di Stichting Musica cu aki ta trata di mas di 80 mil florin cu lo wordo reparti entre e cantantenan, compositornan y e areglistanan. Tanto pa e Soca Monarch y e Caiso Monarch lo tin un premio di 10.000 florin pa e compositor, 8000 florin pa e cantante y 1000 florin pa e areglista. Pa e segundo lug a lo



tin como premio 5500 florin pa e compositor, 4000 florin pa e cantante y 750 florin pa e areglista. Pa loka ta e tercer lug a lo tin un premio di 4000 florin pa e compositor, 3000 florin pa e cantante y 500 florin pa e areglista. Tambe mester menciona cu e aña aki lo bay husga oficialmente e “RoadJam”. Esaki ta e cancion mas popular durante e temporada. E forma cu lo scoge esaki lo consisti di un cuerpo di hurado, un encuesta di emisoranan radial, hunto cu votacion publico por medio di SMS.. E

ganado absoluto di e premio aki tambe lo gana 10.000 florin. E carchinan pa e evento ta obtenibel na Plaza Bookshop, Cliffix, CD & More, Superfood, Wema, Valero Boulevard, Valero Essoville, Gallo Rojo, MY USA, Fun Miles y Dragon CD & Electronics. Cada anochi di pre final lo tin un costo di 15 florin y e anochi final e lo ta 35 florin. Un danki na Romar Trading, Setar NV, Blackberry, Valero Retail, Government of Aruba, Palm Beach Plaza Mall, Hertz Lease, K&G y Fun Miles